



## МЕСЯЦА ИЮНЯ В 17-Й ДЕНЬ

Святых мученик Мануила, Савела и Исмаила

### Стихиры, глас 4.

Подобен: Яко дбля:

**М**ко звезды многосветлыя, / страсотерпцы прехвальнии, / Божественными светлостьми озаряете вселенныя концы, / демонскаго омрачения, / и страстей тлетворных, и бед изымающе. / Темже днесь светлое, и светоносное, / и святое ваше торжество, / сошедшеся, восхвалим, славнии.

Мануил чудный, / и Савел блаженный, / и Исмаил премудрый / песнями священными да почтутся: / Троицу бо Несозданную пред враги священнопроповедающе, / многобожную угасиша лесь / кровными излиянии / и славу прияша неувядаемую.

Царя беззаконнаго, / беззаконно повелевающаго поклонитися / и чести принести безсловесным богом бездушным, / блаженнии, мудре посрамитесь, / Мануиле, и Исмаиле, и Савеле великоименитии, / и, пострадавше терпеливно и законно, / венцы исплетосте победы, о мире молящеся.

### Ины стихиры святым, глас 8.

Подобен: О, преславнаго чудесе:

Три от Персиды явшася / Богоразумия светильницы, / сиянием Духа, / Мануил славный, и Савелий прехвальный, / и Исмаил доблий, / всю тварь страстей светлостию просвещают. / Ихже

память днесь светозарную, / добродетельми сияюще, совершаем.

**Хранители** Божественнии бывше повелением Христовым, / царя беззаконна превственом обличите / и законно пострадасте, / Владыце жертвы совершены явльшися. / Кривными теченими, святыми мученицы, / фараона невидимаго с полком его погубите, / победу вземше.

**Кровьми** вашими обагристе мученическими / себе порфиру, блаженнии, в нюже одеявшися, / и, яко скиптр держаще Крест Божественный, / Христови царствуете, / Иже по естеству истинною царствующу, / святыми мученицы, / Сего моляще быну / спасти души наша, воспевающих вас.

### Слава, глас 8:

**Чисто** возлюбльше Тя, Слове Божий, славному мученицы, / огню служити оставльше, / небрегше же и о халдейстей земли, / Твоим светом озарившися; / вооружившися же и оружием веры, / посрамивша Иулиана мучителя / Мануил славный, и Савел дивный, / и Исмаил требогатый; / со Отцем и Духом поюще Тя, / молят спастися душам нашим.

### Крестобогородичен.

**Подобен:** О, преславнаго чудесе:

**Что** зримое видение, / еже Мойма очима видится, о Владыко! / Содержай всю тварь, на Древо воздвиген быв, / и умираеши, всем дай жизнь, — / Богородица, плачущи, глаголаше, / егда узре на Кресте возносима / из Нея неизреченно возсиявшего Бога и Человека.

### Тропарь, глас 4:

**М**ученицы Твой, Господи, / во страданиях своих венцы прияша нетленные от Тебе, Бога нашего: / имуще бо крепость Твою, / мучителей низложивша, / сокрушивша и демонов немощныя дерзости. / Тех молитвами / спаси души наша.

НА УТРЕНИ

Оба канона Октоиха и святых на 4, глас 8.

## Песнь 1

**Ирмос:** *Истрясшему в мори мучительство фараоне / и Израїля сুষю наставльшему, / поим Христу, / яко прославися во веки.*

Поём песнь вси Зиждителю и Вседержителю Богу, / страстотерпцев достойно почитшему, / славнаго Мануїла и страдавша с ним, во веки.

Отеческое служение отвергнуше огнепоклонение, / гонителя стремление возрадша / и быша страдальцы еже в Троице честным исповеданием.

Яко единочислени Троице, пострадавше Ея ради, / достолепно венчаетесь, мученицы, / молитесь убо непрестанно избавити всех нас от бед.

**Богородичен:** *Еже от Девы рождество выше естества, / Рождейся утай князя тьмы, якоже пишет, / и отверзе Едем Богородицу Ю исповедующим.*

## Песнь 3

**Ирмос:** *Несть свят, яко Господь, / и несть праведен, яко Бог наш, / Егоже поет вся тварь: / несть праведен, паче Тебе, Господи.*

Несть, святїи, по достойнїю восхвалити священное ваше страдание, / имже увязостесь небоплетенными венцы, / Богу, Избавителю нашему, молящесь спастись нам.

Огнем опаляеми, неоскудеваемы умом, / ранами оковани, болезнми изощрени, / небокованнии мечи бысте, мученицы, на нечестивыя враги.

Посрамйся томитель, падением ужасным падся отступник и беззаконник, / Христу укрепльшу мученик троицу добле ополчитися на нечестие его.

**Богородичен:** *Самую Тебе приводим, рождшую Тя плотию, / на мольбу державе Твоей, Христе Боже наш, и мучеников соборы, / тех мольбами умири мир Твой.*

## Седален, глас 1.

**Подобен:** Гроб Твой, Спасе:

Яко трисветлая свеща, огнем Троическим взжгшися, / персов, огню служащих, тьму попалисте и

Христá со дерзновéнием проповéдасте, / возсиявшаго от Неискусомужныя Дéвы, / и блажéнную приясте кончину, тричísленнии мученицы.

### Слáва, и ныне, Богорóдичен:

Настáви ны на путь покая́ния, уклóншиися прísно к безпúтием зол / и Препблагáго прогнэвавшия Гóспода, / Неискусобра́чная благословéнная Марíе, / прибэжище отчая́нных челове́ков, Бóжие жилище.

### Крестобогорóдичен:

Зря́щи Тя, Христé, Всенепорóчная Мáти / мёртва на Крестé простёрта, вопи́яше: / Сы́не Мой, Собе́знача́льне Отцú и Дúху, / что неизречéнное Твое́ сие́ смотре́ние, / ýмже спасл еси́ пречíстых рук Твои́х, Щéдре, создáние?

### Песнь 4

**Ирмо́с:** Из горы́ приосенéнный, Сло́ве, проро́к, / еди́ныя Богорóдицы, / хотя́ща воплотíтися боговúдно усмотри́ / и со стра́хом славослóвляше си́лу Твою́.

От ко́рене волшебна трóица благословéнная, / отцá неблагочестíва, мáтере же благочествующия, мученик прозябé, / бра́тия, возрасти́вший плоды́ благочестия.

Звёзды нелéстны бы́сте véры, / я́ко со́лнце, я́ве возсия́вше мýру, трисия́нная трóица, / светонóсный Ману́ил, Савéл и со Исма́илом.

Моли́тесь триé, я́коже еди́н, Трóице / дáти очищéние и оставлéние согрешéний / творя́щим véрою ýстинною, святíи мученицы, пáмять ва́шу.

**Богорóдичен:** Палáта красна́ всех Царя́ показáся войстинну, и престóл Вы́шняго, / и вы́шши твáри Богомáти, и Предстáтельница душ на́ших.

### Песнь 5

**Ирмо́с:** От но́щи невéдения, / Боговéдением просветíвый концы́, / просветí мя úтром человеколю́бия Твоего́, Гóсподи.

Достодо́лжно вси мучеников соверша́ем пáмять: / сих бо крóвию весь освятíся мирскíй воздúх.

Ношеборющую древле верных Церковь, / мученицы сию просветиша зарею правья их веры.

Авраамова недра мученическая души прияша, / имиже, якоже образ написан, Вышнее Царство проповедается.

**Богородичен:** Яже от Троицы единого воплощенна рождши Бога воистинну, Богомати, / моли бед избавити рабы Твоя.

### Песнь 6

**Ирмос:** Ризу мне подаждь светлу, / одейся светом, яко ризую, / Многомилостиве Христе Боже наш.

Избегаша скверны мысленныя святии мученицы, / спасшеся без волнения, окормлением Креста наставляеми.

Крови ваша, зинувши \*, земля покры, святии, / и внезапно мощи в дольних сокровищах сокровени быша.

Умири мир, Боже, и спаси, яко Милосерд, / стадо Твое невреждено / молитвами славных страсто-терпец Твоих.

**Богородичен:** Без семени зачэнши Бога, / Зиждителя естества нетленно родила еси, / Того моли, Богомати, спастися нам.

### Кондак, глас 2.

Подобен: Вышних ищя:

**В**ерую Христовою уязвлени, всеблаженнии, / и Сего верно испивше чашу, / персская служения и дерзость на землю низложисте, / Троицы равночисленнии, / молитвы творяще о всех нас.

### Икос:

Иже исперва Божественною Твоею добротою, Иисусе Жизнодавче, озари мя яве, / яко да воспою мученики, за Тя подвигшиися даже до смерти, / и вражию всю крепость низложившия добле, / и идольския лести отбегшия, крестною силою укрепляеми. / Муки бо претерпевше, Тройческую славу восприяша, / Того убо о всех молите.

\* зинувши — раскрывши

### Песнь 7

**Ирмос:** *В нача́ле зѣмлю основа́вый / и небеса́  
сло́вом утверди́вый, / благослове́н еси́ во ве́ки, /  
Го́споди Бо́же оте́ц на́ших.*

**Три́е** от еди́наго све́та свети́льники возжже́  
Христо́ва светно́сная Це́рковь, / венце́носца и  
победоно́сца сла́внаго Ману́ила и страда́вша с  
ним.

**Халде́йское** оста́вльше оте́чество, волшебны́я  
отбего́ша ве́ры / три́е Трѳице́ честны́и ору́жницы,  
вопи́юще: / благослове́н еси́ во ве́ки, Го́споди Бо́же  
оте́ц на́ших.

**Три́е** во огни́, я́же о Аза́рии, халде́йския избе́го́-  
ша слѳ́жбы, / и три́е ору́жницы, я́же от Перси́ды,  
пострада́вше по Христѳ́, / я́же о Ману́иле.

**Богоро́дичен:** *В жена́х не роди́ дева, то́кмо Ты  
еди́на, Де́во Богоро́дице: / отца́ бо до́ле и ма́тере  
горе́, Младѳ́нцу вся́ко не бе: / сугѳ́б бо бе Христо́с.*

### Песнь 8

**Ирмос:** *На горе́ святе́й просла́вльшася / и в  
купинѳ́ огне́м Присноде́вы Моисѳ́еви та́йну я́вль-  
шаго, / Го́спода по́йте / и превозно́сите во вся ве́ки.*

**Воздержáнием** вжи́ливше те́ло, благоче́стием  
укре́пльше дух, / страда́льческое совокупи́ша все  
удержáние к невидимым кня́зем тьмы / Христо́вы  
страстоте́рщы.

**Якоже** цве́ты, венцы́ венча́ема мѳ́ченик Христо́-  
ва Це́рковь / невестническойо́ оде́ждою оде́яся,  
кро́вию омоче́ною, / я́ко от нетле́ния обагрѳ́ния  
мѳ́ченик.

**Ча́сти,** Христѳ́, спаса́емых, и жре́бия улу́чити  
Твоѳ́их мѳ́ченик, / и неотъѳ́емлемы́я сла́вы сподо́бил  
еси́ испове́дающих еди́наго Тя, Сы́на О́тца и Де́вы.

**Богоро́дичен:** *Я́ко еди́наго ро́ждши от Трѳицы́,  
моля́щи не преста́й, Богоро́дице, / да изба́вимся от  
беззакѳ́ний на́ших и сподо́бимся я́вления Его́ и  
Ца́рствия.*

### Песнь 9

**Ирмос:** *Проявле́нное на горе́ законополо́жнику  
во огни́ и купинѳ́ / ро́ждество́ Присноде́вы / в на́ше,  
ве́рных, спасѳ́ние / пе́снями немѳ́лчными велича́ем.*

**Трегубным** ужем вас совокупи́ благодать, Ману́иле, Савеле и Исма́иле, / незыблемою ве́рою собра́вши единомудренный нрав / иже по Христе́ исповедания ва́шего.

**Иули́ана** смраднаго и отступника, / лсты́ваго мучителя треплетенною пра́щею победи́сте, / Тро́ицы ору́жницы, три́е увязо́стеся венцы́ вку́пе.

**Достопа́мятное** чúdo мученик, по кончи́не бо зия́нием земля́ покрывши, / помале́, я́ко светолу́чны звезды, от земных недр облисташа.

**Богородичен:** Я́же от Твоею́ боку́ рожда́ющая нескза́нным сло́вом / е́же от Безнача́льна Отца́ пресу́щное Сло́во, Богома́ти, / и в ма́терех Де́ва, спаса́й ду́ши воспева́ющих Тя.

### Свети́лен:

**Чудная** и треплетенная во плени́цах златых, / мученик на́ста́ всесвяще́нная па́мять: / вели́каго войсти́нну Ману́ила, и Савела́, и Исма́ила пресла́вных, / и всех ве́рных серде́ца озаря́ет све́том и ду́ши весели́т.

### Богородичен:

Я́ко иму́щи ми́лосе́рдие и ми́лость вели́ку, / при́зри, Всепе́тая Богороди́це Де́во, на моё смире́ние, / и страсте́й молву́ и собла́зн жити́я разори́, Отрокови́це, / и огня́ ге́енскаго изба́ви мя Твои́ми моли́твами.

### НА ЛИТУРГИИ

**Прокі́мен, глас 4:** Дивен Бог во святых Своих, / Бог Израилев. **Стих:** В це́рквах благослови́те Бо́га, / Го́спода от исто́чник Израилевых. **Апо́стол ко Ефесее́м, зача́ло 233.** Аллилу́ия, **глас 4:** Возва́ша пра́веднии и Го́сподь услы́ша их, / и от всех скорбе́й их изба́ви их. **Стих:** Мно́ги скорби́ пра́ведных и от всех их изба́вит я Го́сподь. **Ева́нгелие от Лу́ки, зача́ло 106.** **Прича́стен:** Ра́дуйте́ся, пра́веднии, о Го́споде:

**Святые мученики Мануил, Савел и Исмаил**, родные братья, происходили из знатного персидского рода. Отец их был язычником, мать, христианка, крестила детей и воспитала их в твердой вере во Христа Спасителя. Возмужав, братья поступили на военную службу. В качестве послов персидского царя Аламундара они

были посланы для заключения мирного договора к императору Юлиану Отступнику (361—363). Юлиан принял их с подобающей честью и оказывал расположение. Но когда братья отказались принять участие в языческом жертвоприношении, разгневанный Юлиан, нарушив закон, заключил мирных посланников чужой

страны в темницу, как преступников. На допросе он сказал им, что если они презирают почитаемых им богов, то нельзя достигнуть между странами ни согласия, ни мира. Святые братья отвечали, что они посланы своим царем с государственным поручением, а не для того, чтобы рассуждать о богах. Видя твердость веры святых братьев, император велел подвергнуть их жестоким мукам. Святых мучеников подвесили, пригвоздив руки и ноги к дереву, в головы вонзили гвозди, а под ногти рук и ног вбили острые спицы. Во время истязаний святые воины, как бы не чувствуя мучений, славилы Бога и молились. Наконец, святым мученикам отсекали головы мечами. Тела их Юлиан приказал сжечь, но внезапно произошло землетрясение, земля разверзлась и приняла в свои недра тела святых мучеников. Через два дня, после усердной молитвы христиан, земля возвратила тела святых братьев, от которых исходило благоухание. Многие язычники, ставшие свидетелями

происшедшего чуда, уверовали во Христа и крестились. Христиане с честью погребли мощи святых мучеников — братьев Мануила, Савела и Исмаила. Это совершилось в 362 году. С этого времени мощи святых страстотерпцев прославились чудотворениями.

Узнав об убийстве своих послов и о том, что законопреступник Юлиан с многочисленными войсками идет против него, царь Аламундар собрал войско и стал на границе своих владений. В крупном сражении персы одолели греков. Юлиан Отступник был убит святым великомучеником Меркурием (сведения помещены 24 ноября).

Через 30 лет благочестивый император Феодосий Великий (+395) построил в Константинополе храм в честь святых мучеников, а святитель Герман, Патриарх Константинопольский (память 12 мая), будучи еще иеромонахом, написал в память и похвалу святым братьям-мученикам канон.

В  
ТОЙЖЕ  
ДЕНЬ

**Преподобных братьев Алфановых, Никиты,  
Кирилла, Никифора, Климента и Исаакия,  
Новгородских**  
(Службу зри 4 мая)

**Тропарь, глас 1:**

**П**ослушаша Господня гласа, / добрии рачители  
бывше, / благий Его ярем на ся вземше, /  
усердно понесосте / и постничества путь достигше,  
/ преподобнии отцы, святии чудотворцы, /  
воини Небеснаго Царя Христа, / Никито, Кирилле,  
Никифоре, Клименте и Исаакие, / сего ради от  
Вседержительных десниц / венцы неувядаемыми  
увязостеся, и Небесною славою одеястесь, / и  
чудотворении обогатитесь, / темже и о нас молити  
не престайте, / да получим вечных благ, / мы же  
сйце зываем: / слава Давшему вам к подвигу  
крепость, / слава Венчавшему вас, / слава Дающему  
вами всем исцеления.



### Конда́к, глас 8:

**Б**лагодать приѣмше исцелѣнием, / простираете  
здравіе сущим в болѣзнях, / преподобнии отцы  
и чудотворцы славнии, / Никито чудне, и Кирилле  
блаженне, и Никифоре пречестне, / Клименте  
святе и Исаакіе преподобне, / но молитвами  
вашими противных шатание разорите, / и болѣзни  
наша исцелите, / и грехов прощѣние испросите, /  
да благодарне воззовѣм вам: / радуйтеся, великому  
Новуграду похвала и утверждѣние.

**Преподобные братья Никита, Кирилл, Никифор, Климент, Исаакий Алфановы (Сокольницкие)** жили в XIV веке в Новгороде; они проводили праведную жизнь и основали Сокольницкую обитель. Как сообщают летописи, «на Соколей горе поставиша церковь древяну святого Николу и монастырь устроиша» в 1389 году. Праведные братья Алфановы были в родстве с известным по летописям Яковом Анфалом или Алфаном, который убежал на Двину, спасаясь от преследований за сноше-

ния с Москвой. Праведники братья подверглись бедам по родственной связи с Яковом, тяжкими скорбями невинного страдания очистившись для блаженной вечности. В «Сказании» о святых братьях описаны чудеса, происходившие после их кончины от мощей. Празднование их памяти положено 17 июня и 4 мая (в связи с пожаром, истребившим Сокольницкую обитель, мощи преподобных братьев были перенесены в Антониев монастырь 4 мая 1775 года).

